



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titulus XVII. De Raptoribus, Incendiariis, & Violatoribus Ecclesiarum.

---

[urn:nbn:de:hbz:466:1-63255](#)

## TITULUS XVII.

*De*Raptoribus, Incendiariis, & Viola-  
toribus Ecclesiarum.

**Q**UÆRES 1. Quid sit Raptus? Respond. Raptus duplex est. Aut enim circa res committitur aut circa personas; Si circa personas propriè raptus dicitur; Si circa res, rapina vocatur. Rapina est fraudulenta rei alienæ contrectatio vi aut dolo malo studiosè facta; *t. si vendidero f. de furtis.* Differt à furto quod hoc plerumque occulte fiat, rapina autem manifestè & violenter. Raptus in genere est mulieris, virginis, seu viduæ, seu monialis nuptæ, vel innuptæ, vel etiam masculi libidinis causa abductio; hoc loco autem & propriè dicitur fœminæ innuptæ, cuius fama honesta est, invitit illis in quorum potestate est, abductio *can. lex illat.*  
*36. q. 1.*

**Q**UÆRES 2. Qui sint incendiarii? Resp. Incendiarii dicuntur qui datâ operâ apposito igne, oppida, pagos, domos prædia vel segetes alienas, ex odio, vindictâ aliaq; simili causâ per se vel per alios incendunt, vel auxilium præstant. *can. pessimam.*  
*6. 23. q. 8.*

**Q**UÆRES 3. Qui sint violatores Ecclesiarum? Respond. Violatores Ecclesiarum sunt, qui Ecclesiæ, aliaque loca pia, violenter effringunt, & spoliant, quod spolium sacrilegium vocatur, & tribus modis committitur, videlicet afferendo rem sacram de loco sacro; rem sacram de loco non sacro,  
*vel*

vel rem non sacram de loco sacro. can. si quis contumax. Scan. quisquis. c. 17. q. 4.

QUÆRES 4. Quænam sit pœna in raptō-  
res statuta? Respond. Pœna rapinæ prima est actio  
vi bonorum raptorum, quæ datur ei, ex cuius bo-  
nis res raptæ est, vel cujus interest, rem non fuisse  
raptam, licet eam non habeat in bonis, qualis est  
creditor respectu pignoris, depositarius, condu-  
ctor, usufructuarius, &c. Quæ actio intra annum  
utilem datur in quadruplum, cui quadruplo inest rei  
persecutio, post annum non nisi in simplum §. i. Inst. de  
vi bonor. raptor. Secunda, pœna est capitalis secun-  
dum Carolinā pœnalem. art. 126. de jure Canonico  
præcipua rapinæ pœna est Excommunicatio, infligen-  
da ab Episcopo loci, in qua rapina fuit commissa, à  
qua absolvitur prohibetur, donec damnum illatum re-  
larcierit, vel caverit resarciendo. quod si s. t. is face-  
re noluerit, aut in ipsa fuerit deprædatione occisus,  
cœmiterio indignus communem cum aliis bestiis se-  
pulturam nanciscitur. cap. 2. b. t.

QUÆRES 4. Quænam sit pœna raptus  
propriè dicti? Respond. Pœna raptus secundum  
leges est, quod raptor in flagranti deprehensus à pro-  
pinquis raptæ impunè occidatur, convictus autem  
de raptu ultimo supplicio afficiatur, confiscatis om-  
nibus ejus bonis, quæ vel personæ raptæ, vel con-  
sanguineis ejus assignantur. l. unie. Cod. de raptu virg.  
novell. 143 de raptis mulieribus. & novell. 150. de eâ quæ  
raptoris suo nubit. & insuper matrimonium inter ra-  
ptorem & raptum interdictur, dict. l. uni. secun-  
dum Canones autem raptor imprimis raptam nec li-  
cite nec valide ducit in uxorem, nisi illa separata &  
in loco tuto ac securro constituta liberè in matrimo-  
nium

monium consentiat. Trid. sess. 24. c. 6. de reform. matrimon. deinde publicam subit pœnitentiam sine sp. Conjugii. can. 33. & sequenti cap. 27 q. 2. & insuper incurrit excommunicationem sententiæ ferenda quæ matrimonio aequaliter secuto est latæ sententia Concil. Trid. loco cit.

Q UÆRES 5. Quâ pœnâ coërceantur incendiarii? Resp. Pœna Incendiariorum Jure Civili est capitalis. l. capitalium §. Incendiarii. de pœni. & ho- diernis quidem moribus juxta ordinationem Carol. V. art. 125. vivi comburuntur; de Iure Can. Clericus incendiarius arbitrio Iudicis punitur, laicus au- tem Ecclesiæ vel loca pia aut etiam profana incen- dens excommunicationem incurrit Papæ reservata cap. 19. de sent. excoicat. quo jure omnes incendi- arii indigni sepulturâ judicantur, donec contriti, damnum resarcierint, quod intulerunt.

Q UÆRES 6. Qualiter puniuntur viola- tes Ecclesiæ? Respond. Violatores Ecclesiarum sacrilegi, olim pro qualitate circumstantiarum, va- riè puniebantur; aut enim damnabantur ad bestias & metalla; aut deportabantur. l. 6. ff. ad l. Juliani peculatus; vel verberatione, aut exilio plesteban- tur. authent. sed novo Cod. de Episc. & Cler. hodie se- cundum Carolinam pœnalem art. 162. Si quis ei loco sacro Chyrothecam cum S. Hestia abstulerit, vivus comburitur; Si calicem, aut alias res similes extraxerit, ultimo suppicio afficitur; de Iure au- tem Canonico sepultura Ecclesiastica privatur, & excommunicatur.

TITU-